

1 2010
21661к

ГИБРДТЫ ФУМЫР



ШОҚАН

“ ҚАЗАҚСТАН ”

Личность и время

Жарылқап БЕЙСЕНБАЙҰЛЫ

ШОҚАН

Fұмырнамалық деректі хикаят

Алматы
«Казакстан»
2009

УДК 94 (574)
ББК 63.3 (5 Каз)
Б 38

***Бұл кітап Қазақстан Республикасы Мәдениет және
ақпарат министрлігінің әлеуметтік маңызды әдебиет
тізіміне енгізілген***

Бейсенбайұлы Ж.

Б 38 Шоқан: – Алматы: “Қазақстан”, 2009. — 608
бет+16 бет фотосуреттер.


ISBN 9965-10-091-8

Жарылқап Бейсенбайұлы көп жылдар бойы Шоқан өмірін зерттеп, оның Ыстықкөл сапарының ізін қайталай жүріп өткен, ұлы тұлға ғұмыр кешкен мекендерді аралап, осы тақырыпқа арналған «Шоқан ізімен» (1977), «Жасын-тағдыр жарқылы» (1987) атты кітаптары, көптеген мақалалары жарық көрген белгілі журналист-зерттеуші, жазушы. Автор сол кездерден үзбей жинаған мол деректерін кейінгі жылдарда «Мәдени мұра» бағдарламасы бойынша жарияланып жатқан жаңа тарихи, мұрагаттық құжаттармен, ғаламтор (интернет) аясына оринастрылған дайекті материалдармен, анықтамалық мәғлұматтармен байыта отырыш, Ш. Уәлихановтың 175 жылдық мерейтойы карсаңында қолдарыңыздағы көлемді тарихи-ғұмырнамалық деректі хикаялты бітірді. Кітапта казактың ұлы ғалымының өмірі мен оның заманына қатысты бұрын беймәлім боп келген көптеген тұстарға жаңаша барлау жасалынады, тиянақты байынтаулар түйіледі.

Б 0503020905 – 08
00 (05) – 09

УДК 94 (574)
ББК 63.3 (5 Каз)

ISBN 9965-10-091-8



© Бейсенбайұлы Ж., 2009.
© “Қазақстан”, 2009.

КІТАПТЫҢ КІЛТІ

Бірінші бұрам: Айбалтасын алтынменен булатқан

Шоқанның ұлы бабасы, Қазақ Ордасының соңғы әміршісі, атадан аса туған Абылай хан 1781 жылдың көктемінде, алпыс тоғыз жасқа қараған шағында Арыс өзені маңында дүниеден озды.

Тарихи деректер мен ілгеріде хатқа түскен хикаялардың сарындарына сүйенсек, айбынды хан ажал тырнағына – содан аз жыл бұрын ғана өзі жорықпен келіп, Қазақ ұлысының дәргейіне бас ұрғызған Ташкенттен Түркістанға қарай бет алған жолда ілінген.

Абылай баһадүр соған дейін де жонғармен арпалысқан екі жұз жылдық соғыстың аласапыран шактарында Қокан хандығының қанжығасында кеткен ежелгі алаш қоныстары – Түркістан, Сайрам, Шымкент, Хожент өнірлерін қазактар иелігіне қайтарып, Іле, Шу бойына көз алартқысы келген қырғыз ағайындарды Алатаудан әрі асыра куу арқылы, атажүрттың онтүстік бөлігін бөтен жүрттар құрығынан түгелдей азат еткен жаһангерлік жорықтар жасаған болатын.

Абылай бұл сапарында да Самарқан, Бұхара жактағы әулие-әмбиelerге зиярат ете барып, жер емген, керуен жүргізген сол іргелес хандықтармен өзара тиімді қарым-қатынас, сауда-саттық жасау мәселелеріне қатысты ел қамын ойластырған бірқатар шаруалардың да басын қайырып келе жатқан жайы бар еді. Қазақ Ордасының теріскейі мен батыс жағынан ентелеген орыс, шығысынан ширатылған шүршіт империяларымен бипаз да сақ саясат жүргізу арқылы, сол тараптардағы тыныштыққа енді қол жеткізген ол, күнгейдегі ағайындар көрші ұлыстармен де бітімгершілік мәмілелерге бәтуаласқандай болған. Жолшыбай қазақ қарамағына қайтадан қосылған Ташкентке аялдап, осы өнірдегі қалың алаштың өзгеге кетіп жатқан есесін қайтару, халықтан түскен арызшағымдарды қарауды ниет еткен еді.

Алайда қазақ ұлысының дербестігі мен бостандығы жолында талай жылдар бойы өткен арпалысты курестер мен әр-

түрлі қактығыстардан қажыған Ұлық хан ағзасы Ташкентте болған сол күндері кәдімгідей сыр беріп, денсаулығы күрт әлсіреді. (Ел жадында қалған әңгімелер мен азыздарда оның жүрек сырқаты кеселімен ауырғаны жөнінде де айтылады).

Ташкентте біраз ем-дом қабылдағанмен, науқастың беті түзеле қоймаған соң, хан қосыны амалсыздан, ұлыстың бас ордасы – Түркістанға қарай ақырын-ақырын жылжи бергенді мақұл деп табады. Дегенмен, «жазмыштан – озмыш жоқ». Қосын Арыс өзенінің төңірегінде аялдаған кезінде Абылай ажал жастығына бас қояды.

Осылайша, білгір тарихшыларымыз қадап айтатындей, сонау XV ғасырдың ортасында бұрынғы айбынды Көк Орданың қонысына иеленіп, Жошы ханның тұңғышы Ордадан (Еженен) тарайтын Орыс хан ұрпақтары боп келетін – Керей мен Жәнібектей асыл текті тұлғалардың бастауымен Қазақ Ордасы атымен ұйысқан, кейіннен қанаты кеңіп дәуірлеген, әйтсе де араға киліккен небір аласапыран замандарда ұйпа-тұйпасы шығып қури жаздаған мемлекетті XVIII ғасырда қайта көтеріп, ежелгі арнасына түсіруге өлшеусіз үлес қосқан Абылайдай баһадүр тұлға дүниеден көшкен.

Оған арналған ең атақты жоктауды қазақтың дүр ақыны һәм ойшылы Бұқар жырау шығарды. Ал сол жоктауды Эз Абылайдың ұлы шөбересі Шоқан жиырма жасында тұңғыш рет қағазға түсіріпті. Соның арқасында бүгінгі күнге дейін жеткен асыл туындыда Бұқар жырау «ұш жүздің басын құрап, халыққа қайғысыз ұйқы ұйықтатуға, қайырусыз жылқы бақтыруға» қол жеткізген Қазақ Ордасының ханы туралы бүй деп толғаған екен:

Күпшек санды құренді
Тәбияға жаратқан,
Қырық сан қара қалмақты
Жарлығына қаратқан.
Айбалтасын алтынменен булатқан.
Алафасын арттырып
Арпалап атты қунатқан...
Еңсесі биік боз орда
Салтанатқа орнатқан.
Болаттан шегс соктырып
Шаңырағын торлатқан...
Тоқпағын сом алтыннан соктырып,
Накыра күміш шаптырып,
Былғары сына піштіріп,
Шыны аяқпен іштірген.
Орындығын оймыштап

Ою нақыш салдырған,
Сандығын сары алтынға малдырған,
Көшсе қырқын арта алмас,
Қырық мың атан тарта алмас.
Қызылаяқ мал жиып
Қалижасын алдырған.
Алғын, шығын арқалап,
Бетіне бедер қамқа салдырған.
Туырлығың қара кіс,
Толулы бір түңлігің
Ұшығадан ұстатқан.
Байтағың байып мал беріп,
Байрақты жерге қыстатқан.
Ғаділдігін Наушаруан ғаділге жеткерген,
Жомартлығын Хатымтай жомарттан өткерген,
Күнде меһман күзетіп,
Кесекілеп ет берген.
Имандының ісіне қарап бет берген.
Бір құдайдың дидарын
Сен көрмесе кім көрер,
Табандасқан дұшманға
Күнінде қылыш шауып өткерген...

Екінші бұрам: Орта жүздің ханы

Абылай хан өмірінің соңғы жылдарында Қазақ ұлысының байырғы астанасы, өзін 1771 жылы ақ киізге көтеріп, үш жүздің ханы, яғни «күллі хандардың ағасы етіп» мэртебелеген Түркістанда көбірек аялдан, етек-жені ұлғайған елді сол көк күмбезді ордадан басқаруға бейіл берген еді. Жаз мезгілін байырғы конысы Көкшетау төңірегінде өткізсе де, ондағы қырық жылдай Орта жүзге билік құрған шағында құтты мекен болған хан ордасы тізгінін ұлдарының ұлкені, қарақалпақ бегі Сағындық Шуашбайұлының қызы Сайман ханымнан туған тұнғыш ұлы Уәлиге ұстатқан. Атадан балаға алмасқан қария сөздерде Абылайдың дүниеден озарынан аз ғана уақыт бұрын, өзінің тақ мұрагері ретінде Уәлиді танып, елге жария еткені жөніндегі әңгімелер де айтылады.

Тарихи құжаттарда да Абылайдың көзі тірісінде Уәлиге біраз маңызды тірліктерді сеніп тапсырып, біртін-біртін ел билеу тәсілдеріне баулығаны туралы деректер бар. Уәли экесінің жұмсауымен 1769 жылдың сәуірінде Бейжінге сапарлап, Мәншың (қазактар Мәнжу әuletі билеген Чин империясын осылай атаған) патшасымен, яки еженханымен жолыққан. 1778 жылдың акпанында Абылай Ресей патшасы II Екатеринаға жазған хатын-

да Уәлиді патша сарайына баратын қадірлі адамдар қатарына кос-
қанын жеткізеді. Сондай-ақ 1774 жылдан бастап орыстың жоғары
ұлықтарының назарына қайта-қайта мәлімхат арқылы білдір-
ген, ел басқарудағы қызметтері ескеріліп, жылдық жалақылары
белгіленуін өте-мөте қадай өтінген үш сұлтанның қатарында:
Салқам Жәңгірден тарайтын тікелей туыстары – Әбілмәмбеттің
ұлы Әбілпейіз және Сұлтанбеттің баласы Орыспен бірге, өз
балаларының арасынан тек Уәлидің есімін ғана атайды.

Яғни, осы дәйектердің өзінен де Абылайдың басқа ұлдары-
ның әке орнына аса таласа қоймағанын байқаймыз. Бір атадан
тарайтын қалың туыстары арасында тақтан үміткерлер бол-
ғанымен, олар да баһадүр ханның өсіеті мен қалауына қарсы
келмегенді жөн деп тапқандай.

Тарихи деректерде Уәлидің әке өлімін қайда жүріп естігені дәл
нактыланбайды. Абылай қазасы туралы орыс мағлұматтарында
«хан көз жұмғаннан кейін, оның жаңында болған адамдардың
Уәли сұлтанға, оның інілері мен басқа туыстарына келіп естірт-
кені» ғана жазылған. Уәлидің бұл кезде Көкшетауда болуы да, не-
месе Абылай туралы дастандарда айттылатындей, әке науқасынан
алдын ала хабарланып, Түркістан жаққа жетуі де мүмкін.

Сол деректерде ел ағаларының Уәли бастаған хан ұрпақ-
тарымен ақылдаса отырып, асыл сүйегі өзі өсіет еткендей,
Түркістандағы Әзірет Сұлтан (Қожа Ахмет Иасауи) кесенесі-
нің іргесіне арулап қойылған Абылайға ас беру жайының ше-
шілгені де айттылады. Ол асқа үш жүздің сұлтандары, ел аға-
лары мен қалың қазактың өкілдері, барлығы бес мындаі адам
катьысыпты. Және сол жиыннан кейін марқұм Абылайдың ор-
нына хан сайлауы өткен еді.

Игі жақсылар таққа үміткер сұлтандардың қадір-қасиет-
терін сараптай келе, әкесінің жаңында жүріп сл басқару ісі-
не машықтанған, қабілеті мен ханға лайық басқа да кіслік-
тері жетерлік Уәли сұлтанды бір ауыздан Абылайдың орнына
таққа отыруға лайық деп таңдайды.

Бәрі де Қазак Ордасында ежелден келе жатқан хан сайлау
дәстүріне сай атқарылған еді. Ресей патшасының Сібір мен
Үпі генерал-губернаторының қызметін атқаратын генерал-по-
ручик һәм кавалер И. Якоби жоғарғы орындарға жіберген өз
мәлімхатында бұл рәсімді өтс-мөте тәптіштеп жазады.

Жұма күні сұлтандар мен ел ағалары бастаған көп халық
Әзірет Сұлтан кесенесі алдындағы алаңға жиналып хан сай-
лауына кірісті, делінеді мәлімхатта. Ташикенттес шақырылған
ахун, басқа да дінбасылар тиісті дүғаларын оқып болған соң,
көпшілік Уәли сұлтанды ақ киізге отырғызып, хан көтереді де

жерге түсірген соң, төнірегіндегілер ханның көйлек-дамбалдан басқа киімдерін шешіндіруге кіріседі. Сыртқы киімдерін оны ақ киізге көтерген ұлысқа белгілі кісілер, қалған жеңіл киімдерін хан сайлау кеңесінің мүшелері тәбәрік ретінде бір жапырақ, жарым жапырақтан бөліп алады. Уәлиге дәстүрлі хан кимі – айшықты қалпақ, қамқа тон, зерлі шалбар, оқалы етік кигізіліп, үржаңа ханға арналып тігілген еңселі ақ ордаға енгізілді. Одан шыққан соң ақ боз атқа қолтықтан демел мінгізіп, тойға қатысушылар оған гу-гу тілектерін арнап, жабыла құттықтады.

Осылайша хан сайлау рәсіміне байланысты той жеті күнге созылған. Салтанат қызығы аламан бәйгеге, ат жарыстарына, әндер шырқалып, домбыра мен қобыз күйлері төгілген ұлы думанға ұласқан. Халық өздері тойға арнайы экелген малдарын сойып, қымыз ішіп, шат-шадыман күй кешкен.

Бұл шақта Қазақ Ордасының Абылай қазасынан кейінгі бағыты қай арнаға қарай өрбитінін екі жақтағы алып көршілер де сырттай бақылау үстінде еді. Абылай заманында жасалған мәмілелерге сәйкес, Ресей де, Мәншың империясы да оны өз құзырындағы ел ретінде таниды. Алайда жеме-жемге келгенде қай жаққа қарай ауып кетер екен, дейтін күдік-күмәндары да жоқ емес. Осы себептен де болар, қытайдың Еженханы Уәлидің хан тағына отыруын ести сала, әбжіл шешім қабылдала, дереу оны занды мұрагер ретінде санау туралы жарлығын жіберген.

«... Экеңіз Абылайдың опат болғанын естіп, қатты қайғырдым. Бұрын Бейжіңде менімен дидарласып, шапағатыма бөленген азамат едіңіз. Экеңіздің тұңғышы екеніңізді де, қол астыңыздағы ел-жүртты шып-шыргасын шығармай жақсы басқарып отырганыңызды да жақсы білеміз. Сондықтан өзіңізге әдейілеп Сарай ұлығын жіберумен бірге, әкеңіздің хандық лауазымына мұрагер болып тағайындалғаныңыз жөніндегі жарлығымды түсіріп отырмын», – деп бипаздаған еді Мәншың патшасы Уәлиге жолдаған пәрмен хатында.

1781 жылғы шілденің 26-сында жазылған осы хатты алғаннан кейін, Уәли Ресей билеушісі II Екатеринаға да өзін хандыққа бекіту туралы өтініш жіберген. «...Менің әкем Абылай хан 69-ға қарадан жасында қайтыс болды. Елу жыл бойы патша ағзамга қызмет етіп, алпыс тогыз жыл ешкімге жамандық жасамай, адап өмір сүрді. Абылайдың артында отыз ұл қалдық. Бәрі де халықтың сыйлы ел агалары, иғі жақсылары. Олар да әкеміз Абылай хан сияқты патша ағзамның құзырына адап қызмет етуге ниет білдіріп отыр. Мәртебелі патша ағзам, ...букіл қазақ ордасының сұлтандары мен қара халқы бас қосып, халық кеңесі үстінде мені хандыққа сайладап, әкем ұстаган билік тіз-

*гінін тапсырды. Сіздің мейірімді ықыласыңыз түсіп, мені хан-
дыққа бекітеді деген сеніммен Абылай ханның дәрежесін ма-
ған беруіңізді сұраймын...», – делінген еді онда.*

Сол жылдың желтоқсанында бұл хатқа II Екатеринадан Уәлиді Орта жүздің ханы етіп тағайындау туралы жауап та келіп жеткен...

Үшінші бұрам: Аманқарағайдың аға сұлтаны

Құсмұрын көлін теріскейге қарай жарып өтіп, Тобылға ба-
рып құятын Обаған өзенінің орта ағысындағы, көпшілікке
әуелден қызу жәрменәкे орны ретінде белгілі Қараоба мекенін-
де 1834 жылдың сары күзінде (ескіше күнтізбемен тамыздың
30-ында) маңайдағы қалың елді молынан жинаған елеулі бір
окиға болып өтті. Ол – қазақ жерінде жаңадан ашылған тағы
бір әкімшілік аймақ – Есіл мен Тобыл өзендері аралығындағы
жерлерді қамтитын Аманқарағай округінің аға сұлтанын сай-
лау рәсіміне арналған құрылтай еді.

Бәрі де дуанбасы сайлауының сол кезде қалыптасқан кошеметі мен марапатына лайық орындалды. Ақку-казы сыңсыған
Копа мен Талды көлдерінің аралығындағы шүйгінді бел үстіне ақбоз үйлер қаптата тігілді. Сойыстық мал, саба-саба қымыз дайындалды. Жаңа дуан аймағын жайлаған керей, уак, арғын, қыпшак руларының игі жақсылары арасында да аға сұлтандыққа кімді сайлау керек деген мәміле орайында көп даудамай, кикілжінді текетірес туындаған сыңайлы. Кезінде Тобыл мен Торғайдың арғын-қыпшағын билеген Батыр ханның
немересі, өзі де біраз жыл ел тізгінін ұстаған Жұма Құдай-
мендіұлы бастаған сұлтандар, дүйім қазақ ардақ тұтатын Абылай ханның немерессі, Орта жүздің соңғы ханы Уәлидің бел ба-
ласы, алдында ғана Омбыда әскери оку тәлімін көріп келген
жырма үштегі қылышылдаған жас жігіт Шыңғыс Уәлиұлын ду-
анбасы етіп көтерді. Полковник Ф.К. Шубин басқарған казак-
орыс жүздігінің қатысуымен өткен салтанатта жаңа дуанның
қазылары болып, сол аймақтың белгілі тұлғалары – төмөн шекті арғын руы болысының биі Жазы Жанұлы мен сибан керей
болысының биі Есеней Естемесұлы сайланды.

Омбы әкімшілігі сінді ашылған дуан орталығын елге ежелден белгілі коне қоныс Қараобада көтеру кажет деп шешкен.
Округке бөлінген әскерлердің күшімен маңайдағы қарағай ор-
манынан бөренелер кесіліп әкелініп, құрылыс жұмыстары қызып жүре берді. Кеңсе үйі, әскерлер мекендейтін жайлар, кора-

қопсылар салынды. Жаңа бекініс дуан атына сәйкес Аманқарағай деп аталды.

Аға сұлтандыққа сайланғаннан кейін осы Қараоба төңірегіне Сырымбеттегі ата жұрттарынан өз еншісіне тиген дүниемүлкін, жаңа қосылған жас келіншегі Зейнепті, әлденеше тутиң төлеңгітерін көшіріп әкеліп, Шыңғыс та қоныстанды. Зайыбы Зейнеп – Баянауылдағы қаржас руының төбе би, жастайынан шешендігімен танылып, он төрт жасында Уәли ханның алдында өткен бір жұғіністе өз руының намысын қорғап шыққаннан кейін атағы ерекше дүрілдеп көтерілген, сол кезде Баянауылдың аға сұлтаны Шоң Едігеұлының қазысы қызметін атқаратын, кейіннен ол қайтыс болғасын, орнына дуанбасылыққа сайланған әйгілі Шорман бидің қызы еді.

Келесі 1835 жылы, ел қыстауға әбден жайғасып біткен қараша айының сонында жас дуанбасы шаңырағында Мұхамедқанафия есімді тұңғыштары дүниеге келді.

Төртінші бұрам: Абылайдың ұлы шөбересі

Мұхамедқанафия титтейінен алғыр, зейінді болыш өсті. Тілі де ерте шығып, зеректігімен көзге түсті. Сәби шағынан ұлкендердің әңгімесін, аузымен құс тістеген билер мен шешендердің сөздерін, көне киссаларды, батырлық дастандарды тыңдауға аса қызығушылық танытатын бейілімен ерекшеленді. Әдетте аға сұлтанның ак ордасына ат басын бұрап қонақ көп. Әсіресе, жаз туып, ел жайлауға мамырлай қонған кезде. Меймандар арасында әкімшілік жайымен жүрген ел билеушілерімен қатар, ескі әңгімелерді мол білетін құйма құлақ қариялар, кезінде талай жорықтарды бастан өткерген кеуделі батырлар, сөзден өрнек өретін небір шешендер, жыраулар мен өнерпаздар, күміс көмей әншілер де баршылық. Сондайда Шыңғыс шаңырағында неше килы әңгімелердің арнасынан асып-төгіліп актарылып жататын дағдысы бар. Ал оларды есі кете қызығып тыңдаушылардың бірі – сол үйдің кішкентайы Мұхамедқанафия еді.

Ел аузында қалған сөздерде оның азан шақырып қойған әуелгі атының Шоқан болып өзгергені де осы тұрғыдан байып-талады. Ұлкендердің қасында тапжылмастан шоқылып отырып, әңгіме тыңдайтын баланы әжесі Айғаным: «Шоқиғаным, Шоқаным», – деп еркелетеді екен. Ақырында оны кейіннен бүкіл ағайын-туғаны, ел-жұрты да осылайша атап кетті. Бастапқы Мұхамедқанафия аты – кей ресми құжаттарда ғана жазылатыны болмаса, ол бүкіл ғұмыр кешкен ортасына, заманы-

на Шоқан есімімен танылды, жаһан ғылымының биіктегіне, туған халқының байтақ болашағына ұлы Шоқан боп, Шоқан Шыңғысұлы Уәлиханов боп аттады.

Тілі шығып, сөз түсіне бастаған шақтан-ақ сұлтан үйінің тәрбиесіне сай, жас баланың санасына оның Ұлық хан тұқымы, айбынды баһадүр Абылайдың шөбересі екендігіне қатысты әңгіме де шым-шымдаң сіңіріле берді. Және бұл ретте оған әрдайым «сен тұра сол бабаңа тартқансың» деген сөздер де жиі арналатын. Бұған себеп, ел аузында қалған әңгімелерде айтылатындай, Шоқан апыл-тапыл жүре бастаған шағында аға сұлтан Шыңғыс үйінде қонақ болған дуалы ауыз қариялардың бірінің сәбиді көре салып, «каумаған Абылай ағамның өзі екен ғой» деп көзіне жас алған жайы.

Жас бала құмарта құлак түретін құлы әңгімелер қатарында сол Абылай бабасы жайындағы аңыздар мен сөздер тым мол. Оларды бар есіл-дертімен тыңдау үстінде Шоқанның көз алдына сонау бір қиян-кескі шайқастарға толы құлы заман суреттері, Бөгенбай мен Қабанбай, Сырымбет пен Малайсары, Баян мен Олжабай сынды ардакты батырлардың кесек бітімдері, олардың туған жерді қасақы жаудан азат ету жолындағы қаһармандық жорықтары елестейтін. Кейіннен өзі айтқандай, «қазактың ерлік заманы» бол саналатын сол кезенге аға сұлтанның тұнғышы көкірегі сергек көнілмен ой жіберетін.

Әрі кейіннен атақты бабасы ғұмыр кешкен заманды мұрат деректерімен, тарихи мағлұматтармен нактылай зерттеген кезінде, әжесі мен ата-анасының қасында шоқып отырып тыңдаған сол әңгімелердің көбінің шындыққа кабысатының байқап, кәдімгідей таңғалды. Бала жастан санасына сіңіп қалған талай жайт жадында қайтадан жаңғырып шыға келгендей күй кешті. Оларды тарих қойнауынан алынған мәліметтермен сабактастыру үстінде кез алдына сол бір дауірге қатысты кесек суреттер кадау-кадау бітімімен көлденең тартылды.

Біргін-біргін өзі де айбынды Абылайдың аруакты кара шаңырағының бір төлі болғандықтан, көптеген әйгілі тұлғалар ұшқан сол әз ұяның арғы-бергі кезеңдеріне, Ұлық хан кіндігінен тараган ұрпактың әр буынының талайлы тағдырларына терендей, зерделей қарауға бейіл аударды: Ғұмырлары бодандық заманының кос өкпеден кысуы бірте-бірте зорайып, күшіне түскен кезеңдеріне тап келген ата-аға тұystарының бастарын темір ноктаға ілуте карсылық бұлдыріп, жасанған жауға жалан қылышпен шапқан жанкнярлықтарын да, бетен жүрттың билігін іштеп тына, күзеле, құсалана жүріп мойынсынған шарасыз халдерін де ақырын-акырын ұғынып, байыттай бастады...

БІРІНШІ БӨЛІМ

ХАН ӘУЛЕТІ

1. Абылай

Шоқанның ұлы бабасы ғұмыр кешкен заман – қазақ тарихындағы алаш жүртіңің өз азаттығын сақтап қалу жолында неше түрлі арпалыстарды бастан өткерген сұрапыл оқиғаларға толы аласапыран бір кезең..

Ол заман – мал тісіне қүйқалы алаш қоныстарына талайдан көз алартумен келген Жонғар (Ойрат) хандығының Қазақ ұлысына басқыншылық жорыктарын үсті-үстіне үдете түскен, ел басына зұлмат та зобалаң күндер зіл батпан боп ерекше мол төнген азабы мен тауқіметі көп дәуір.

Әсіресе осы ретте ойраттардың 1723 жылғы көктемге салымда Қазақстанның онтүстік-шығыс аймағына тұтқылдан бас салған алапат шабуылы, жойқындығы жөнінен бұған дейін жасалған қаншама жорыктардың бәрінен де асып түскен жойдасыз басқыншылық болып еді. Сол жылды мұздай жарактанған қалың ойрат шеріктері қатты жүттән қиналып шығып, қыстаудан әлі көтеріле қоймаған қазақ ауылдарын андаусызыда басып қалып, қамсыз елді жаппай ойранға, қанды қырғынға ұшыратты. Аман қалғандары қоныстарын, мал-мұлқін тастай, үдере қашқан босқынға айналды. Халықтың зарлы аңыздарында айтылатын «Ақтабан шұбырынды, алқакөл сұламаның» басталуы еді бұл. Қапыда қалған Ұлы жүз бен Орта жүз қазақтары қайғы-қасіретті белшеден кеше жүріп Хожент пен Самарқандға дейін жөнкілді. Сырдарияның аяғындағы Кіші жүз ауылдары Хиуа мен Бұхарға қарай ауды. Соншама мол босқынның үсті-үстіне ағылыш келіп жатқаны, күнгей хандықтардағы аймақтар үшін де оңай болған жок. Мауараннахр аталған қос дария аралығындағы өнір де жоқшылық пен ашаршылыққа ұрынды.

Босқан қазақтың біраз бөлігі батыста – Жайықтан асып, Еділ қалмақтарын, башқұрттарды ығыстырса, теріскеіге лықсыған топтары Өб және Үй өзендері аралығына дейін серпілді.

Осындай ауыр шақта қазақ арасынан шықкан батырлар, ел қамын жеген ардақты билер басқыншыларға қарсы ұйымдасқан азаттық күресті бастауда елеулі қызмет атқарды. Олар үш жүзден жасақ жинап, жауға қарсы тойтарыс беру әзірлігін өз қолдарына алды. Бұл тізе қосқан қимыл 1725 жылдан басталады. Әуелі Қорғалжын жактағы Шұбартеңіз көлі маңында, одан кейін Ойылдың саласы Ақтасты өзенінің жағасында ойрат шеріктеріне күйрете соккы берілді. Осы шайқастар елдің күшін бір жерге топтастыру қажеттілігін де айқын көрсеткен еді.

1726 жылы Бадам өзені маңындағы Ордабасы шоқысында өткен кеңесте үш арыстың ел тізгінін ұстап жүрген игі жақсылары осы мәселені тілге тиек ете отырып, Кіші жүз ханы әрі қазақтың Аға ханы (біраз шынжыр балақ, шұбар төс тұқымдар мойындауға құлықсыз болса да) лауазымы бар, соған дейінгі әртурлі шайқастарда шынықкан, 1724 жылғы Түркістан үшін өткен ұрыстарда қолбасылық қарымымен танылған Әблілқайырды (Қазақ хандығының іргесін қалаушылардың бірі – Жәнібектің баласы Өсекеден тарайды) ак киізге салып, бүкіл қазақ жасағының бас сардары етіп көтерді.

1728 жылдың көктемінде біріккен қазақ жасақтары Ұлытау өніріндегі Бұланты және Білеуті өзендері аралығында ойрат әскеріне ойсырата соккы беріп, осы аймакты қалмактардан азат етті. Қазақ қолының Бұланты маңындағы үлкен женісі әйгілі Аңырақай шайқасындағы табыска ұласты. 1730 жылдың ерте көктемінде Шу өзенінің оң бетіндегі Желтау, Айтау жоталарын шығыска қарай ұластырып жатқан Аңырақай қырқаларын баурайлай ақкан Қопалы мен Сарыбұлақ өзендері аралығында өткен сол атышулы шайқаста Қазак Ордасының жасақтары жонғар басқыншылығына қарсы Отан соғысындағы (1723-1730) ең зор женіске қол жеткізді.

Тас-талқан бол женілген жаудың қырылғаны қырылып, аман қалғандары шығыска қарай жөнкіліп, бастарын сауғалай әзер құтылды. Осы киян-кескі шайқас нәтижесінде қазақтың біраз ата конысы жаудан босады...

Жонғар хандығының нағыз жаны қысылған да кезі еді үл. Әйткені соның алдында ғана, олар күнгейдегі көршілері Қытайдың да шапқыншылығына ұшыраған болатын. Екі жақпен қатар соғысу оңай емес. Сондыктан да қос өкпеден сыққан жанталас қалғе душар болған жонғар қонтайшысына казактан бітім сұрағаннан басқа шара да қалмаган.

Дал сол көтемде Әблілқайыр ордасына қазақтың батыстеріскейдегі коныстарын башқұрттардың басып алғаны тура-лы суыт хабар да жетеді. Алаш әскерінің дереу сол жаққа ат-

тану қажеттігі туындағандықтан, жонғарлар тарапынан айтылған ұсыныс көп қарсылықсыз қабылданып, екі жақ соғысты тоқтату туралы мәмілеге бәтуаласады.

Осылайша қазақ-жонғар соғысында бірауық саябыр шақ орнайды. Алайда ол, сірә да, ойрат шеріктерінің қазақ жеріне шапқыншылықтары со бойы тыйылды дегенді білдірмейтін. Халықты титықтатқан қазақ-қалмақ соғыстары, әлі талай жыл үздік-создық жалғасып тұрды. Алайда Аңырақай шайқасындағы сол жеңіс халық санасында үлкен бетбұрыс жасады. Ол қазақтың рухын көтеріп, болашаққа деген сенімін бекітті. Маңайдағы елдер де осыдан кейін Қазақ Ордасының қуатты ұлыс екендігін мойындағы.

Жонғардың бетін қайтарған сол шайқастар кезінде қонтайшы Қалдан-Шеріннің жақын туысы, қалмақтың бас батыры Шарышты (Сәруді) «Абылайлап» аруақ шақырып жекпе-жекте өлтірген жиырмадағы жас баһадүр жұрт көзіне ерекше түскен еді.

Ол – он жетінші ғасырдың басында Ташкенді билеп, жаумен жекпе-жекке шыққанда қарсыласы шақ келмейтін батыр болғандықтан «қанішер» атанған қазақ сұлтаны Абылайдың немересі, жас кезінде ел жаугершілікке ұшырағанда, ата-анасынан айырылып жетім қалған, содан есейгенше өз тегін жасырып, кісі есігінде «Сабалак» есімді малшы бол жүрген, енді қазақ әскерлерінің мәндай алдында жауға шапқан жиырма жасар Әбілмансұр ныспылы ержүрек жас екен. Кәдімгі, арғы бабасы – Шыңғыс хан, Жошы хан, Орда (Ежен), бергі бабалары – Қазақ Ордасының уығын көтерген Кіші Жәнібек, одан соң – Жәдік, Шығай, Тәуекел, Еңсегей бойлы Ер Есім, Салқам Жәңгір, Уәлибақы, одан – Қанішер Абылай, Көркем Уәли бол жалғасатын текті атаның тұқымы.

Сол ерлігінен кейін жас сұлтанның ақиқаты ашылып, Әбілмансұр бұдан былай өзі ұран етіп көтерген атасы Абылай есімімен елге танылды, сол атпен тарихқа енді. Көкшетау төңірегіндегі арғынның атығай-қарауыл рулары оны өздеріне хан көтере, елдеріне алып кетіп, басына ақ орда тігіп берді.

Абылайдың атын шығарған сол жекпе-жек көз көргендердің жадында қалды, кейінгі ұрпаққа қазақтың басын үйис-тырған баһадүр тұлға сайыпқырандығын танытатын бір ақиқат бол жетті. Оның замандасы, ат жалын тартып мінгеннен қалмақтарға қарсы соғыстарға қатысқан жауынгер серігі, от тілді, орақ ауызды Үмбетей жырау бұл туралы кейіннен: «Ей, Абылай, Абылай... Жиырма жасың толғанда, Қалмақпен соғыс болғанда, Алғашқы бақты тапқанда, Шарыштың ба-

сын қаққанда, Қанжығага бас байлан, Жау қашты деп айгайлап, Абылайлап шапқанда...» деп, өз басы күәгер болуы әбден мүмкін шайқасты паш етсе; көмекей әулие Бұқар жырау Абылайдың дәуірлеп тұрған шағында оған қаратада айтқан толғауында: «Сен жиырма жасқа жеткен соң, Алтын тұғыр үстінде, Ақ сұңқар құстай түледің, Дәulet құсы қонды басыңа, Қыдыр келді қасыңа», деп, сол қатулы жылдар шындығын хан қаперіне қайыра салады...

* * *

Әуелі Орта жүзді немере ағасы, өзі сияқты Салқам Жәңгір тұқымы, әйгілі Әз-Тәуkenің баласы Сәмекемен, одан кейін Тәуkenің немересі Әбілмәмбетпен, Ұзын оқты Ондан сұлтаның ұрпақтары Қөшек, Барак хандармен бөлісеге басқарған Абылайдың (Әбілмансұрдың) беделі – қоластындағы ел ауқымы өзге туыстарымен салыстырғанда шағындау болса да, халық арасында жылдам өсті.

Ол сырт жауларға қарсы құресте батырлығымен коса, бас сардарға лайық ақыл-қабілетімен, үш жүздің басын косу ісінде ұйымдастырушылығымен, дипломатиялық алғырлығымен көзге түсті. Қазак пен көршілес мемлекеттер арасында тұған елінің тыныштығын діттеген карым-қатынастар орнатуға мол еңбек сінірді.

Абылай атағының тез көтерілуі, оның қасына еріп, жанына тірек болған қазактың данқты билері мен батырларының есімдерімен де тығыз байланысты. Олардың арасында қазактың Ұлық ханы Тәуке тұсында да мемлекет басқаруға араласкан атакты би – арғынның қаракесек руынан шыққан Қаз дауысты Қазыбек, бәсентиін руының әйгілі батыры Малайсары би, шақшактан шыққан Жәнібек батыр, канжығалы Бөгенбай, найманның қаракерей руынан Қабанбай, уак Баян және басқа да санлак баһадүрлер Абылай данқының өрлеуіне көп үлес кости.

Абылай билік құрған заман – Казак Орласына теріскейдегі көмейі кең көрші Ресейдің де көз сұғы қадімгідей қадала бастаған көтерлі кезең. Соның алдындағы ғасырларда Сібір жакты Тынық мұхитка дейін түгел жаулап алып, Еділ бойын ен жайлаған Қазан мен Хажытархан хандықтарын киратқан, Ногай ордасын ту-талакай етіп ыдыратқан обыр пейіл империя, енді-енді ғана казак даласына сұғына енудің орайын іздейстіруде болатын. Соның ілкі дайындықтарының бірі ретінде – ол Казакстанмен шекаралас аймактарда әскери-бекініс шелтерін қаусыра құруды аяктап та калған еді.

Әріні ойлаған бұл әзірліктің ең әуелгісі – қазақ даласының батыс беткейіндегі Жайық өзенін бойлай салынған казак-орыс қамалдары, форпост мен редуттардан тұратын – Жайық шебінен басталған-ды. Одан шығысқа қарай Жоғарғы Жайық қамалынан басталып, Орынбор бекінісін қамти Үй өзенімен үласа келіп Бағланға (Звериноголовскіге) дейін созылған екінші бөлігі – Үй шебін құрады. Он сегізінші ғасырдың орта шенінде бұл бекіністер тізбегі Жанаесіл шебі арқылы – Ертістің орта ағысында орналасқан орыс қамалдары жүйесінің төлбасысы, 1716 жылы ірге көтерген Омбыға дейін жетті. Бағлан қамалынан басталып, Омбыға дейін үласқан бұл шепті кейде оның әртүрлі ашы көлдер арасын жалғай орналасуына байланысты Ашылыөзек (Горькая линия) деп те атайды. Ол бұған дейін шекаралық желісі жүйеленіп үлгерген шығыстағы Железинка, Кереку, Жәміш, Семей қамалдарын қамти, Өскеменде түйікталатын Ертіс шебіне барып қосылды.

Қазақ жерінің теріскейі мен батысын орай, Жайықтың құйғанынан Өскеменге дейінгі қашықтықты аттың тағасы секілді қаусырып жатқан, жалпы ұзындығы үш жарым мың шақырымға созылатын бұл шекаралық бекіністер тізбегі патша өкіметінің жаңа жерлерді отарлауына қолайлы мүмкіндіктер әперді. Шептердің бойына казак-орыс әскерлері мен башқұрт жүздіктері келіп қоныстанды. Станицалар мен шаруа слободкалары көптеп салына бастады. Оларға қазақтардың байырғы көші-қон жерлері көртіліп беріліп жатты.

Шекара маңында қазақтардың көшіп-қонына тыйым салынған аймақтар пайда болды. Мәселен, қазақтардың енді орыс шекара шебі боп есептелетін Жайық, Ертіс өзендерінің он жағалауына өтіп, байырғы өрістеріне мал жаюына, Елек, Үй, Тобыл, Есіл өзендерінің бойындағы шепке жақын құйқалы жайылымдарға қоныстануына рұқсат берілмеді. Бұл бір жағынан жалпы халық қана емес, ел билеушілері арасында да біраз реніш тудырды. Алайда оларда орыс империясының қатаң отарлық саясатына көнбеске шама да жок еді...

Әйткені сол әскери бекіністер шебі салыну қолға алынардан аз жылдай бұрын ғана сыртқы жау шапқыншылығынан сақтануды және өз бастарының да мұдделерін басымырақ ойлаған бірқатар ел билеушілері Ресейден көмек сұрағанды жөн деген тауып, орыс бодандығына енуге келісім берген болатын.

* * *

Бұл мәселенің бір түп-төркіні – сол тұста қазақ хандары арасында өршіген бақталастық пен дүрдараздықтан туындаған себеп-салдарларға да барып тірелетін.

Яки, қазақтың бодандық қармакқа оп-оңай ілінуінің өзі хан әuletтерінің билікке таласуынан ушыққан бақастықтың ті келей зардабына саятын.

Хан әuletтері дегенде, Қазақ Ордасын билеген тұлғала шежіресінде ұлыстың алтын тағын бір жарым ғасырдай уақыт бойы жамбастарына басып келе жатқан Жәдік сұлтан ұрпақтарының орны бөлек екенін бағамдау киын емес.

Жәдік – Қазақ Ордасының шаңырағын Керей ханмен қатар көтерген Кіші Жәнібек ханның тоғызынышы, кенже ұлы Оның балаларының арасынан *Төгым мен Шығай* сынды құлл қазақты билеген қос Ұлық хан бірдей шықты. Ал Шығайдан бермен қарай Ұлық хандық осы кіндіктен тарағандарға басы байлы тұрактап қалды. Алтын тақ Шығайдан соң оның баласы *Тәуекелге* ауысып, одан оның ұрпақтары: *Еңсегей бойлы Ер Есім – Салқам Жәңгір – Эз Тәуке* боп үзілместен жалғасты.

Қазақ Ордасын тұра 35 жыл билеп, байтақ ұлысты аймақтық-әкімшілік бөлініс – жүздер арқылы басқаруға мән берген Тәуке баһадүр де әбден шау тартқан шағында, немере інісі Кіші жүздің шығыс жағы мен сол өнірді мекендеген Орта жүздің бірқатар руларына билік жүргізген *Қайып* ханды бауырына тартып, ұлыс билігіне араластырды.

Сол жылдары Кіші жүздің батыс бөлігі руларының иті жақсылары өздерінің ханы етіп жариялаған жас *Әбліқайырды* да жүздердің тепе-тендік мұддесін көздел, Түркістандағы бас орданың билік жұмыстарына икемдеп баули бастады. Осы тұстағы құжаттарда *Қайып* пен *Әбліқайырдың* *Әз-Тәуке* қасында серік бол, ұлысты басқару істеріне бірлессе қатысып жүргені айттылады.

Тәуке 1716 жылға иек артар шамада дүниеден озғанда, ұлыстың Аға ханын сайлау құзыретін қолдарына ұстап отырған төбебилер дағдылы дәстүрді үзбестен, тікелей мирас иесі, Тәуkenің әкесі Салқам Жәңгірдің інісі Сырдақтың Қызырау деген баласынан туған, әуелден ұлыс тағына жақын жүрген *Қайыпты* бірауыздан хан көтерді. Алайда сол кездің өзінде картан тартып қалған оның билігі ұзакқа созылмады. Үш жылдан кейін, 1718 жылдың аяғында белгісіз жағдайда бакталастарының қолынан қаза тапты.

Қазақ Ордасының алтын тағына енді кім мінеді?

Сол тұста бұл атакка үміткерлер қатарында – Тәуkenің өзі әуелден бас тақ төнірегіндегі істерге баулыған, кейінгі жылдарда Аға хан *Қайыптың* қасында жүріп, жонғарға қарсы жорықтарға бірге қатысқан, еділ қалмақтары, башқұрттар мей жайық орыс-казактарымен өткен қактығыстарда шындалып,

батырлығымен де аты шығып үлгерген Кіші жұз ханы Әбілқайырдың салмағы кәдімгідей басым байқалатын. Сондықтан да 1719 жылы ұлыстың игі жақсылары оны *Aza хан* ретінде («күллі ханларның ағасы қылыб») таныды.

Әбілқайыр ханға қатысты ғылыми айналымға кейінгі жылдары қосылған деректер осында мәліметтерді алға тартады.

Ал бұл таңдаудың Қазақ Ордасының тағына бес ата бойы үздіксіз билік жүргізіп келе жатқан Жәдік әuletінен шыққан хандарға, сірә, жаға қоймайтын жағы да бар еді.

Өйткені Әбілқайыр бұған дейін Ұлық хан тағына мініп көрмеген Өсеке тұқымының өскіні болатын.

Былай қарағанда Жәдік пен Өсекенің қан жағынан бір-бірінен еш артықшылығы жоқ. Екеуі де Қазақ ұлысының керегесін көтерген қос арыстың бірі – есімін Алтын Орданың құдіретті билеушісі Әз-Жәнібекпен шатастырмас үшін қалың алаш жұрты Кіші Жәнібек деп атап кеткен ұлы ханның тайқұлындай тебісіп, тете өскен, бір жатырдан өнген балалары.

Емшектес осы екеуінен тараған тұқымдар – жылдар өте келе, бір-бірімен үлкен әulet, kіshi әulet деп бөлінетін дүрдараз қабақ бақталастарға айналыпты.

Оның тұп-төркіні – Жәдіктің Тоғым мен Шығай атты қос бірдей перзентінің қазақтың Ұлық ханы болғаны және содан бері де бас орда билігінің асыл текті Абайқан begimniң алтын құрсағында жаратылған Шығай хан ұрпақтарынан айналып шықпай келе жатқан ақиқатына қатысты жайтқа саятын. Сол себепті де Жәдіктен тарағанның бәрі өздерін «мәртебелі тұқымнанбыз», «нұрдан жаралған үлкен әulet тізгіні бізге басыбайлы тұрақтаған» деп мардамсуға бейіл беретін.

Ал Өсекенің үрім-жұрағатына Әбілқайырға дейін ондай бақ еш бүйірған емес. Өсекенің бәйбішеден туған Болат атты ұлы өз балаларымен бірге ногай соғысында шаһит болды да, кіші әйелінен өрген Бөлекей-Коян тұқымдарына әulet ішіндегі жолдарының кішілігі әрдайым алдарын орап, аяқтарын тұсап жатты.

Қайта, бұл тұқымның ес жиып, етек жинай бастағаны Әз-Тәуке тұсындаған.

Ұшқанда құс қанаты талар тым ұлан-байтақ ұлысты аумактық бөлініс жүйесі арқылы басқаруды жөн көрген Тәуkenің ұйғарымымен, Қазақ Ордасы – үш жұзге жіктелгенде, оларға жеке-жеке кіші хан сайлау қажеттілігі де өз-өзінен қатар туындаған еді.

Сол кезде ғана Өсеке ұрпақтарының қолдарына билік тие бастады. Бөлекейден тарайтын Әжі сұлтанның баласы Әбілқайыр Кіші жұзге хан сайланды.

Әбілқайыр Қайыптан кейін Аға хан ретінде танылып, с мәртебесіне лайық 1719-1724 жылдар аралығында Қазақ ұлысының ордасы – Түркістанды ауық-ауық мекен еткенімен Жәдік тұқымдары оны мойындауға аса құлықты бола қойған жок. «Біз шынжырбалак, шұбартөс – Тоғым-Шығай әuletіне біз, тегі төмен Бөлекей-Қоян тұқымдары бізге билік айту үшін әуселесіне қарасын», дер еді олар.

Бұл тұста Орта жүздің бар билігі Жәдік тұқымдарының қолында болды. Орта жүз ханы Тәукеұлы *Болат* пен ол қатапқан 1724 жылдан кейін, мұрагерлік-інілік жолмен тақ отырған бауыры Сәмекенің құзырына арғын, керей, қыпша найманның біраз бөлігі қараса, Ұзын оқты Ондан сұлтанның ұрпағы *Көшек* хан найманның қалың садыры мен Талас-Арғызендері арасындағы руларға билік жүргізді. Сондай-ақ найманың көпшілігі мен арғынның қаракесегі, қоңыраттың едәу бөлігі Көшек ханның інісі *Барақ* сұлтанның, арғынның бірақ рулары Тәуkenің Болаттан туған немересі *Әбілмамбеттің* ын палында болды. Қайып ханның ұлы *Батыр* сұлтан Орта жүздің батыс бөлігіндегі арғын-қыпшакпен бірге Кіші жүзге қарағызын шекті, шөмекейлерді де басқарды.

Шынтуайтына келгенде, Әбілқайырдың ығына жығыла адам – Ұлы жүз тағына әкесі Абдолладан кейін мұрагерлік жолмен отырған *Жолбарыс* қана. (Ол бір деректерде Моголстада хандарының тұқымы делінсе, бір деректерде Әбілқайырдың туысы ретінде де аталады). Алайда Жолбарыс хан билігінің аты бар да, заты жок, десе де болатын. Ақтабан-шұбырындыдан кейін үйсін жұрты негізінен жонғар бодандығында қалып қойды да, өзгенің алдында жалтақ жағдайда күй кешкен олардың ханының басқа әміршілерге ықпал етуге кауқары жете бермегі. Ташкент төңірегін ғана биледі.

1730 жылдың көктеміндегі Аңыракай шайқасында Әбілқайырдың бас сардарлығымен қазак әскері Отан соғысындағы зор жеңіске иеленіп, оны әрі қарай өрістегу ойластырылып жаткан тұста, алғандегі айтылғандай, Кіші жүз бен Орта жүздің батыс теріскейдегі қоныстарына башқұрт жасактарының басып кіргені туралы сұyt хабар да жеткен.

Бұл кезде жонғарлардың да жайы мәз смес-тін. Қазактан ойсырай женилгені аз болғандай, олар күнгей-шығыстары ата жауы Маншын (Чин) империясының кезекті шабуылына ұшырап, ол бетте де қиян-кескі соғыс жүріп жатты. Ойрат контайшысы Калдан-Шерінге екі оғтың ортасында калған мүшкіл халден құтылу үшін, амалсыздан қазак жағынан бітім сұрағаннаш басқа амал да калмаган.

Тегі жақын деп жүрген башқұрт жұрты етектен қауып, батыстағы қоныстарды басып алған осындай алмагайын шакта, аға хан Әбілқайыр мей Орта жүз билеушісі Сәмеке қазактың би-батырларымен ақылдаса отырып,

Жоңғар қонтайшысының ұсынысын қабыл алғанды, жедел түрде бейбіт келісім жасағанды мақұл көреді.

Екі жаққа да тиімді мәмілеге қол жетісімен, Әбілқайыр мен Сәмеке өз жасақтарын бастап, дереу башқұрттар шабуылына ұшыраған қазақ қоныстарын азат етуге аттанады.

Қазақтар мен XVI ғасырдың орта тұсынан бері Ресейдің отарына айналған башқұрттар арасында жер үшін, жайылым үшін талас біраздан бар. Бірде басылып, бірде тұтандып, ауық-ауық қайталанып тұрады. Екі ел арасындағы қақтығыстар, әсіресе, башқұрттардың XVII ғасыр басында орыс отаршылдығына қарсы қарулы көтерілістерге шығып, жеңіліс тапқаннан кейін қазақ қоныстарына қарай ауы, сондай-ақ қазақтардың қалмақ шапқыншылығы мен ақтабан-шұбырынды жылдарында башқұрт жеріне үдерे босуы барысында тым жиілеп кеткен болатын. Тарихи деректер башқұрттар орыстарға қарсы көтерілгенде, оларға әскери көмегін беріп жүрген доспейіл қазақтардың, енді бірде башқұрттарды шапқанын; қазақтармен бірге ортақ жайылымдарға қатар көшіп, өзара қыз алысып, қыз берісіп тату тірлік кешкен түбі туыс сол естек жұртының да өз кезеңінде қазақ жеріне басқыншылық жорықтар жасағанын алға тартады. Кіші Жұз ханы бол сайланған жылдардың ар жақ, бер жағында Әбілқайырдың өзі де көпмиңдық қолмен екі-үш мәрте башқұрттарға қарсы аттаныпты.

Естек жұртының кейінгі жылдарда жасаған жорықтарында, олардың өздері бодан болып отырған Ресейге көбірек арқа сүйейтіні де байқалып қалатын. Ақ патша ұлықтары да оларды өз бағыныштыларымыз деп сырт жұрттардың тиісуінен қорғайтын сыңай андатар еді. «Мениң қол астымдағы елде не шаруаң бар», деген сыңайда, сыныққа сұлтау іздел, айбар көрсетуден қашпайды. XYII ғасырдың ортасында Ресей билігін мойындап, ақ патшаға ант берген Еділ қалмақтарының жағдайы да осы шамалас. Орыстың боданымын деп қазақтарға қарсы батыл-батыл қимылдайды. Әгәреки, қазақтардың қуаты басым түсіп, өздерін тықсырып бара жатқандай жағдайға душар болса, аржағынан аюдай қызып шыға келетін қамқоршысын пана тұтуға үйреніп алған...

Қазақ ұлысы жонғарлармен қиян-кески соғысып жатқан қын шакта, башқұрттардың, арқадан пышақ ұрғандай әсер қалдыратын осынау қарau әрекетінің аржағында, оларды сол шапқыншылықтарға тұртпектеген арнайы зымиян пиғылдардың бар екендігін де жоққа шығаруға болмас. Ресей отаршыларының қазақтарды да қармағына тусіру үшін сан айла-тәсілдер қолданып, өз боданындағы башқұрттарды жымыскы арандатуларға айдал салуы әбден ықтимал...

Әбілқайыр мен Сәмеке жасақтары Аңырақайдан асыға қозғалып, Тобыл мен Жайық алабындағы шапқынға ұшыраған қазағына жедел түрде жәрдемге жетіп, башқұрттардың бетін қайырғанымен, естектер тарапынан со бойы жаулықты тоқтатар сыңай байқала қоймады. Екі жұрт арасындағы жер мен жайылым үшін дүрдараздықтың одан әрі шиеленісе, күрделілене беретіні аңғарылып қалды.

Бұл қын түйінді қалай шешкен жөн?

1730 жылдың маусым айы шамасында Әбілқайырдың Ірғыз өзені бойындағы жазғы ордасында өткен, Кіші жұз бен сол аймаққа жақын жайғасқан Орта жүздің қыпшак, арғын, уақ, керей руларының тізгін ұстарлары бас қосқан құрылтайда да осы сауалға жауап ізделген еді. Ел ағалары, билер мен батырлар, сұлтандар ақылдаса келе, естектермен бейбіт өмір

сүру үшін олар бағынышты болып отырған орыс патшасына елші жіберіп, оған тату-тәтті коршілік қарым-қатынастар жасайық, одақтас болайық деген тілегімізді жеткізелік, башқұрттармен бітімге келуімізге, басқа халықтар тарапынан қазаққа зәбір жасалмауына көмектесуін, Жайық пен Тобыл бойларындағы жайылымдарға қазактардың да шығып тұруына рұқсат беруін сұралық, деген уәжге бәтуаласады. Ол жұмысты атқару Әбілқайырға тапсырылады.

Тарихи деректерде сол құрылтайдан кейін Әбілқайыр ордасына ханның ежелгі танысы, башқұрттың белгілі тарханы Алдарбай Есенгелдиннің де соққаны айтылады. Тархан бұл келісінде Әбілқайырға «қазак-башқұрт арасындағы жер дауларын және соның негізінде туындаған өзара қарулы қақтығыстарды шешу үшін, Ресейдің қанатының астында болуға» кеңес береді. Әрі қуатты мемлекетке арқа сүйеу арқылы, жоңгар тырнағында қалған қазақ жерлерін де қайтарып алуларыңа болады, деген әңгімеге үйітады.

Әбілқайыр осыдан кейін-ақ әңқі-тәңкі ойларға түскен еді. Басқа хандар бұған қалай қарайды, ел қалай қабылдайды, деген сыңайдағы сан-сапалак сауалдарға қамалған. Оған қоса, Жәдік әулеті аса мойындағысы келмей жүрген аға хандық мәртебесінің жағдайы да бір бүйірін тұртпектейтіндей. Егер сол атақты патша арқылы бекітіп алса, қайтер еді, деген дәмеге де бейілі аугандай ма, қалай өзі. Шіркін, сонда Жәдік тұқымдарының мысы бір басылып қалар еді-ау, деген қиялдарға да шомар...

Осындай іркес-тіркес ойларға бой алдырған хан, акыры бейбіт келісімнен гөрі, ақ патшаның қамқорлығындағы ел болу туралы шешімге қисайғанды жөн деп табады. Қазақтың өзге билеушілермен ақылдасып жатуды да макұл көрместен, Алдарбай тарханың кеңесі бойынша, 1730 жылғы жаздың соңында Ресей императорына керей Құттымбет би мен шекті Сейітқұл батыр бастаған 11 адамнан тұратын елшілігін сұыт аттандырады. Олармен бірге патша Анна Иоанқызына жолданған: «Ұлы бек мархаматлу император падишаң ағзамнан сұрайтынымыз мынау», деп басталатын хатта: ...қарауымдағы Ұлы жүз бен Кіші жүздің қатың қазақ жүрті... сіздің саяңызда болып, сізге қарайтын Оралтау сыртындағы башқұрт халқымен тату өмір сүрмекпіз. Сізге бар жақсылықты тілейміз, Сіздің қамқорлығыңыздың ел болғымыз келеді» деген өтінішін білдірген.

Соңғы сөйлем сол тұстағы қазақша іскәғаз үрдісінде жазылған түпнұсқада: «йарашилығыны тіләйміз сізниң үарлығыңыз бірлә ил болгаймыз» деп аяқталады. Осы сөйлемді тілмаштар орысшаға аударғанда: «Желаем вам всякого благополучия и будем вашими подданными» деп тәржімалаған еді. Түпнұсқадағы «йарлығыңыз бірлә ил болгаймыз» («жарлығыңызben ел болғаймыз»), яки «жарлығыңыз /жоғары билігініз, қамқорлығыңыз/ саясындағы ел болғымыз келеді» деген мағынаны білдіретін ұғымның, орысшаға тікелей бағыныштылық, бодандық түсінігіне жуықтата аударылғанын байқау кын смес.

Сондай-ақ бұл хаттан, Әбілқайырдың канша аға ханмын десе де, Жәдік әулеті билеген Орта жүзді өз карамағындағы жұрт қатарына қосуға бата қоймаганы да анғарылады. Сйтсе де, билігі тек Кіші жүзге ғана жүріп тұрғанымен шектелмей, сезін салмактандыру үшін, Ұлы жүзді қарауымдағы ел ретінде қосып жазғанды теріс деп таптайды. Елшілері Құттымбет пен Сейітқұл батыр да патшага бара жатқан жолда, Үлі қа-

ласына аялдап, ондағы әскери кеңсеге аға хан атынан ұсынған мәлімдемелерінде Ташкенттің билеушісі Жолбарыс ханды Әбілқайырдың інісі деп ұғындырады.

Бүкіл Азия елдеріне жол аштын қакпа іспеттес қазақ жерін дәргейіме қалай қаратсам деп, талайдан неше түрлі айла-тәсілдерді ойластырып жүрген орыс патшалығы үшін бұл нағыз батпан құйрық, іздегенге – сұрағанның тап өзі болатын. Хаттың орысшасына «бодан боламыз» деп аударылып кеткен сөз, отаршыл ұлықтар үшін тапжылтпас желеуге айналған.

Келесі, 1731 жылдың ақпан айының өзінде-ақ Ресей патшасы Анна Иоанкызы «қазақ халқының ханы Әбілқайырды, барлық ел агалары мен жұртын... бодандыққа қабылдаганы» туралы пәрменге қол қойды. (Патша жарлығында Әбілқайыр әуелден көксегендей, оны «қазақ халқының ханы» деп атап, Жәдік әuletі мойындай бермейтін мәртебесіне де мән берілді).

Сол жылдың қазанында Ресей Сыртқы істер алқасының сенімді өкілі, парсы, шағатай, татар, башқұрт, казақ, өзбек, қалмак және бірнешеeuropалық тілдерді билетін тісқаққан саясаткер, Бірінші Петр патшаның замандасы, Хан-Кермен (Қасым) хандығы мырзаларының тұқымы Құтлымұхаммед Мәмешұлы Тәуекел¹ бастаған қарымта елшілік Әбілқайырдың Үрғыз бойындағы Майтөбе мекенінде тіккен ордасына едел-жедел жетіп, хан мен оның төңірегіндегілерден орыс императрицасының құзырына қарағаны туралы ант қабылдау шаруасын атқаруға кіріседі.

...Сөйтсе, бұл жақтағы мәселе Әбілқайыр уәде бергендей емес екен. Орыс қарамағына кіруге қарсылар көп болып шықты. Оны Тевкелев, әсіресе, орыс елшісінің келу себебіне байланысты, хан ордасында өткен жыында, билер мен батырлар, ел ағаларынан: «біз орысқа бағынамыз, басыбайлы боламыз, бөтеннің босағасына байланамыз, деп уәде берген емес-піз, ол Әбілқайырдың өзінің шығарыш жүргені, біз оған орыспен тату-тэтті тұрайық, одактас болайық деп елші жіберуді ғана тапсырғамыз» деген зілді сөздерден кейін анық байқады. Әбілқайыр да патша ағзамнан келген елші алдында, «мен қамкор болуды ғана сұраған едім» деп актала алмады. Біраздан бері ойы сан-сакқа жүгіріп, елші келгелі бері, орысқа бағыну арқылы өзінің қарауындағы халқына толық билік жүргізе алмай жүрген мүшкілдеу халін жөндеуге, Жәдік әuletімен арадағы талай жылғы бақталастық шарпысуында мерейін ұстемдетіп, хандық мәртебесін биіктетуге болатындығын андал қалған ол, ордадағы сол жыында шынайы мұддесін ақтара салды. «Мениң хан деген атым ғана... қорғанышым жоқ, сондықтан құдіреті күшті ұлық ағзамның қарамағына кіргім келді, көрінгенге қолжасаулық болғанша, солардың қолынан өлгенім жақсы» деп ағынан жарылды.

Бұдан кейін Құтлымұхаммед мырзага орыс бодандығына кіруге қарсылық білдірген Кіші жүздің кей ел ағаларына әртүрлі сый-сияпат, тарту-таралғылар үлестіре жүріп олардың бетін бері қарату қынға түсे қойған жоқ. Әліптің артын баға жүріп, өзіне жүктелген, Ресей бодандығына кіру туралы ант алу міндеттін тастайін етіп орындады...

¹ Алексей Иванович Тевкелев – Орыстың әулеттік шежірелерінде Қасым хандығының мырзасы Оразәлі (орыс деректерінде Уразлей) Тәуекелдің тұқымы делінеді. Оразәліден – Оразмұхаммед мырза, одан Дәүлетмұхаммед мырза, одан – Мәмеш мырза, Мәмештен – 80 жасында генерал-майор атанған осы Құтлымұхаммед Тәуекел мырза (1674 – 1766).

Казак жерін отарлауды заңдастыру амалы осылайша басталып кеткесі.

Әбілқайырдың бұл шешімі Жәдік әuletінен шыққан хандарға аса ұнақоймағаны белгілі. Олар мұны Кіші жүз билеушісінің өз мұддесін ғана ойлауынан туған қадам деп қабылдады. Екі әulet арасындағы бақталастықайтадан өршіп, ол Қазак ұлысында кезекті бытыраңқылық жағдайдың орнауына алып келді. Анырақайдағы жеңістен кейін еңсесі көтерілген ел тағы да жеке-жеке «келте хандар» иеліктеріне бөліну ауанына көше бастады.

Орыстардан қолдау тауып, хандық мәртебесін бөгде жұрт тарапына қосымша түрде биіктеткенімен, Әбілқайырдың құллі қазактың басын бір жұмырық қылып ұйыстыруға қауқары жетпеді. Халық алдында өз лауазымын толығымен мойындата алмады.

Казак жерін қол астына қайта қаратудан күдер үзбеген Жонғар хандығы алаш жұртының бастары жуыспай тұрған осы ахуалды өздерінің кезекті басқыншылық жорықтары үшін тиімді пайдалана білді. 1735 жылы ойраттар Ұлы жүз бен оған іргелес ортаазиялық хандықтардың теріскей өнірлерін тағы да басып алып, ел-жұртын алым-салық төлеп тұруға мәжбүр етті. Орта жүздің жерлеріне де ауық-ауық жорықтар жасады. Шапқыншылықтар әсіресе 1739 жылы ерекше өршіді. Ойраттар екі тұстан бірдей: солтүстікте – Ертіс пен Тобыл арасындағы елге, онтүстікте – Сырдария бағытына қарай жойқын жорықтар жасап, қалың алашты тағы да босқыншылыққа ұшыратты. Үріккен жұрт ақтабан-шұбырынды заманындағыдай, мал-мұлкін, атамекен қонысын тастай, бас сауғалап Жайық пен Орға қарай жөнкілді. Қазак қолдары қорғану, ығыса соғысу тәсілдерін қолданып, ауық-ауық қарсы ұрыстарға да шығып, жаудың бетін қайыратын шайқастар өткізіп тұрғанымен, басым жеңістерге жете алмады.

Бұл кезде, Орта жүз билігі, 1738 жылы Сәмеке дүниеден озғаннан кейін хан сайланған Әбілмәмбет ханының қолында еді. Оның жанында айнымас жақын інісі, жаумен өткен әртүрлі шайқастарда батырлығымен, қолбасшылығымен де танылу арқылы халық алдында беделі күннен-күнгө есіп келе жатқан Абылай сұлтан тізе қосып, катар ел басқарысуға белсene қатысып жүрді. Әбілмәмбет әр мәселені де онымен ақылдастып барып шешкенді жөн көреді.

Жонғардың кезекті жойқын шапқыншылықтарына байланысты ұлыс басына түскен ауыр зұлмат Орта жүз билеушілерін де тығырыққа тіреген. Халықты мына төтен апаттан қалай құтқару керек деген сауалға жауап іздеу барысында, олар амал жок, осыдан он жылдай бұрын Әбілқайыр бет бұрған, ол қайта-қайта үгіттеп, талмай насиҳаттаң жүрген ауыр жолға түсуге мәжбүр болады. Кіші жүз жұрты сияқты орыс патшасы канатының астынан қорғаныш іздегенді, соның демеуіне сүйенгенді жөн деп табады.

Орта жүз басшылары осындағы қын шакта, бір жағынан, Ресей камкорлығында болу арқылы, ежелгі жау көтерінен сактаумен қатар, қуатты көршіден әскери көмек алып, жонғар басын алған қазак жерлерін азат етуді де жүзеге асырармыз деп ойлаган. Сол себепті де жау шапқыншылығы ерекше күшейіп кеткен 1740 жылдың тамыз айында Әбілмәмбет хан мен Абылай сұлтан Орынбор қамалына келіп, өз қарауымыздагы жұртымызбен Ресей қарамағына өтеміз деген тілектерін білдіреді.

Бұл қадам жонғар жағының шапқыншылық жорықтарын азайтуға кәдімгідей септігін тигізгендей де көрінген. Тарихи деректерде сол тұста

Сібір губернаторы П. Бутурлинмен кездескен ойрат елшілігі басшыларының орыс бодандығына өткен қазақтарды өздерінің шаппайтыны жөнінде мағлұм еткені жөнінде де айтылады.

Алайда бұл саябыр ұзаққа бармайды. Ұзын оқты Ондан сұлтанның тұқымы Барактың қазақ даласын паналап жүрген башқұрт батыры Қарасақалмен бірігіп, Жонғар жеріне шабуыл жасауы ойраттарды қайта өшіктіріп жіберді. Қарасақал – орыс отарлауына қарсы башқұрттар көтерілісін бастаған, ол күресі жеңіліске ұшырағаннан кейін қазақ арасын сауғалап, өз басын жонғар қонтайшысы Себен-Рабданның қаза тапқан інісі Шоно-Лоузанмын деп жариялаған (қазақтар оны Сына батыр деген), түп-тегі мәлімсіздеу адам. (Шоқан кейіннен «Шона батыр» атты мақаласында оны XYIII ғасыр арандатушысы, деп атайды. Қарасақал Орта жүз билеушілерінен «өзіне тиесілі» деп есептейтін ойрат тағын алып беруге көмек сұрай жүріп, Қазыбек би мен Қабанбай батыр қасынан да пана табады). Жонғар жағы «жер астынан жік шыққан, екі құлағы тік шыққан» мұндай қонтайшы тағына таласуши, әрі өздеріне айбар шегіп, шапқыншылық жасаған сорақылыққа, сірә, көне қойсын ба? 1741 жылдың ақпанында қазақтардан өш алу және бір жағынан ойрат халқын соңынан ертіп кету мүмкіндігі қауіптендіретін Қарасақалды ұсташа үшін Септен тайшы және Қалдан Шеріннің үлкен ұлы Лама Доржы бастаған 30 мың әскер Орта жүз жеріне лап қойған.

Бұл шапқыншылық та қазақтарға аса ауыр тиді. Сөйтсе де Абылайдың бас қолбасшылығымен ұйысқан қазақ әскері жауға қарсы тұра алатын тойтарыс қимылдармен танылып, ойраттардың он қанатын ойсырата жениді. Сол тұста Олжабай батыр бастаған жасақтың Жонғар жеріне сұғына еніп, Септен тайшының ұлысын талқандап қайтқаны да тарихи деректерде жазылып қалған.

Септен тайшы әскері Есіл алабын басып алған кезде, екі жүздей ғана адаммен Шідерті өзенінің маңында шолғында жүрген Абылай кенеттен қалың жау жасағына кезігіп қалады. Шайқасқанмен күш тең емес. Қолға түсіп, әйгілі тұтқын ретінде Қалдан Шерін ордасына жіберіледі...

Бұл шақ – екі ел соғысының да аумалы-төкпелі бол қалған кезі. Бірсесе қазақ, бірсесе ойрат басым түсіп жатады. Алайда қазақ жағында, ана жылғы Аңырақайдағыдай, басқыншыны түре күп тастайтын жұмған жұмырықтай жойқын күш жоқ. Орыс жағының да өз боданы болған халыққа көмектесіп жатқаны шамалы. Сырттай бақылайды. «Қай жеңгенің – менікіге» бейіл. Әбілмәмбет пен Абылайдың орыстан әскери көмек, қару-жарак алып, жау қолында қалған елімізді азат етеміз деген үміті ақталмайды. Айлалы торға өздері барып түскенін сезіп, бармақтарын тістейді. Бірак, енді бәрі кеш еді.

Сол себепті де қазақ хандары өздері тарапынан жонғарларға бейбіт мәмілеге келу мәселесін ұсына бастайды. Жонғар билеу-